

香縣志

卷八  
人物  
卷九  
列女

地 130.199  
39  
部 三 = 6

唐縣志卷八

人物志

仕績 孝友

忠烈 義行

文學 隱逸

仕績

武略 附見

士君子學古入官處為純儒出為名臣所謂利國家恤人民者在是矣唐多山水鍾靈毓秀人才蔚起石文憲著作承明王文肅區別善惡兩朝嘉納光昭史冊繼起者克自樹立或守通都或令大邑學以仕優仕以績著故易舊志之宦業志仕績

北齊

石曜字白曜安喜人以儒學進居官素清儉武平中為黎

唐縣志卷八

人物

陽郡守值斛律武都出為兗州刺史武都性貪暴先過衛縣令丞以下聚斂絹數千匹遺之及至黎陽令左右諷動曜及所屬曜乃手持一縑謂武都曰此是老石機杼聊相奉贈此外吏民之物一毫不敢犯也武都亦知曜清素笑而不責後終譙州刺史

北齊書。按齊時併唐人安喜故補此條

金

石琚字子美沈厚好學天眷二年舉進士第一授邢台令邢守貪暴屬縣掎克以奉琚弗與守敗擢部主事累遷吏部侍郎大定二年擢諫議大夫奉命詳定制瑒與選久凡宋齊換授官格南北通注銓法能縷指詳明尋拜參知



政事進尙書右丞將順匡救多所裨益復以年老歸鄉里

顯宗時卒諡文憲圖像衍慶宮配享世宗廟金史〇祀鄉賢

王良金末為中山府掾時民遭亂後多以誣讒繫獄良前

後所活數百人已而棄去吏業潛心經籍之學及天文律

歷無不精究年九十二卒參元史王恂傳

元

王恂字敬甫良子十餘歲學九數輒造其極劉秉忠薦於

世祖為太子伴讀中統二年擢太子贊善敕兩府大臣凡

有咨稟必令恂與闕裕宗嘗問算數對曰此六藝之常乃

道及歷代興亡之所以然又集遼金近事區別善惡上之

唐縣志卷八

裕宗問以心之所守對曰許衡言人心如印板板本不差

雖摹千萬紙皆不差裕宗深然之詔擇勲戚子弟學於恂

師道卓然嘗與修授時歷拜太史令卒諡文肅元史本傳

按北學編王恂生而穎悟與楊恭懿皆篤信國學為太子伴讀太子問學曰在正心授國子祭酒師道卓

然居父喪致毀卒

明

高嗣興以秀才赴南京上疏敬陳王道奏官民利病太祖

喜之擢兵部主事累官至尙書

耶鵬洪武時進士擢御史忠鯁清廉知無不言言無不當

值時法嚴後得罪籍其家止木匙二張木筯五雙故鄉物

也上嘉其清復擢廣東臺憲祀鄉賢

王端拱武問貢生學行純篤親族喜其仁鄉閭感其德授南康府知府威惠公明吏民感戴

李運永樂時進士任給事中歷官副使性格仁厚志蓋公勤能薦拔人物所舉數十人皆稱職

李庸永樂時舉人官至工部右侍郎爲宣宗所眷寵目爲李胖兒數與同膳賜繡文二金字絳衣一襲

馬恭永樂時舉人骨鯁正直投推官擢監察御史陞都察院右僉都御史巡撫延綏榆林所至以公廉著祀鄉賢

許資永樂時舉人學問行誼爲時推重令介休庶姓愛戴

唐縣志卷八 人物

三

逯御史巡按陝西劾奸補善陞河南副使提學遷陝西左

布政使

以上見康縣府志

崔忠永樂中爲嵐縣典史在任九載有廉聲

寇源深弟景泰時舉人官知州性剛介善理刑執法不畏強禦權貴皆憚之

劉瑜字良玉號琢齋景泰丙子以明經領鄉薦初司教廬州成化庚寅陞西平教諭未幾以父喪去制終補陽曲學

後累官至國子助教孝宗幸學賜紅衣一襲當時名公考之曰談經似匡衡守貧如鄭虔著有琢齋漫稿

劉琛由進士擢刑部主事問斷如流都人目爲一火劉出

知紹興府一年人皆稱善

李緯字汝靜運之曾孫由進士授御史孤忠大言有氣節居官不滿歲上疏幾百忤逆瑾謫揚州推官道卒以疏稿殉葬

程蘊隆字道源萬厯時舉人其學以存心養氣爲主人有問無倦色講道嘗竟日不輟及知亳州苦心民瘼事無大小躬親料理以勞卒於官學者稱爲道源先生

張所聞號虛宇事繼母孝旣領鄉薦貧約如寒士未嘗干謁縣令知沔縣有惠政民立生祠祀之遷廣甯衛通判革市稅之厲民者奉檄查核營伍不受將士金尋轉鎮江通

唐縣志卷八

人物

四

判歲餘以老致仕

張調元世襲大甯左衛百戶爲人驍勇有謀射必穿札萬厯間從征倭寇與遊擊將軍李化龍等相約信屢戰克捷殺倭酋數十人敵人震懾總督楊鎬私受倭賄潛與通謀患元等力戰逐北託言輕進欲斬之賴都督麻貴救免旣而鎬通謀事泄始敘元前功陞環縣守備御史楊一桂薦爲玉泉營遊擊將軍西陲諭聞威名不敢犯塞尋轉神樞二營參將復以陝西多警充副總兵鎮守定遠延綏花馬池地方朝廷倚之爲長城焉

以上見康熙志

王琚天姿聰慧十三歲補弟子員工隸法詩歌爲文沈雄

深秀正德甲戌由胄監授敘州參軍勤能卓著太守胡澧器重之委署富順事督辦高長拱等縣役册冊均平庶姓感戴又督筠連長甯鹽課不假刑威一時完足未幾適疾歸

王三輔字近宸由貢生授涪縣訓導勤於教士最及門以存心植品為先務崇正元年擢知沔縣時流寇窺伺孤城公帶勇守堦與士卒同甘苦賊懼遠揚去尋亦解組歸沔人為之立嗣勅碑以上採訪

崔文學字竹游別號抱樸崇正丙子舉人談天下事應答如流知歸安割繁治劇事無稍滯丙戌入浙闈分房拔士

一時號稱得人尋以勞卒於官

唐縣志卷八 人物

國朝

崔士俊字海邴文學子也順治時進士授雲南道監察御史慷慨忠直有膽略上疏論劾請汀州推官未幾復擢為

江南道監察御史著有書義詩集行世以上見康熙志

陳效元字鳳侶雪齋其號由拔貢任陝西雒川知縣有功德於其民以直去官歸以五經教授鄉里學者多出其門

效元為學貫穿古今博通傳註然非字解句釋記誦之與夫破析之施之於文章之謂也其在雒川撫循休息招民

以來遂稱大治會王永繩倡亂郡邑不守者比比有逆黨

持偽徽至將使衆驚走效元碎其檄而斥之陰縱之去既  
而端坐城頭賊以爲有備亦詭其廉靜名卒不敢犯即可  
知其平日治狀與夫應變之略通經之效其著矣哉

節韓慕廬

陳雪齋傳

邸浚字右軒性廉介不與人爭待奴僕無邊色以選拔授  
廣東香山縣丞毫不妄取及歸貧素如常生平樂以醫藥  
濟人著有嘯松集

陳于字二南由舉人考授中書改署霸州學正修廟學  
捐祭器協理施粥放賑士庶悅服卒於官州人稟請入祀  
名宦所著有迂話七集

以上見雍正志卷八

唐縣志卷八 人物

六

楊定遠東苞水村人由舉人筮仕山右同治丙寅委署臨  
縣時狃逆告急防守黃河要口河西衆如雲集羣驚寇至  
欲開礮轟之定遠不許偵探之乃避難者悉援以渡旋定  
安集尋代至黎庶置衣傘以頌德後署曲沃甫盈月結積  
案數百時值歲歉捐廉施粥躬親散放活人無算未幾以  
勞卒於官

採訪

忠烈

歐陽公謂君子之於人也樂觀其美而不求其備况死者人之所難乎一旦危難猝臨不辱不屈大之敵懷重之殉城殆忠蓋所積奮不顧身者歟舊志稱節烈今易之志忠烈

明

寇深字文淵連頤莊人丰神沈雄有奇智由貢生累立邊功官至都察院左都御史天順中遇曹吉祥之變死之追贈少保諡莊愍遣官致祭勅修其墓祀鄉賢

明錢溥寇莊愍公傳

莊愍公姓寇諱深字文淵保定唐縣人也其先山西

唐縣志卷八

人物

七

恆原州人代有顯者曾祖廣元提舉官有寵于世祖為擇里得徙居于宣富縣黑虎鎮之乾何里入國朝以闔右給檢道出保定遂止唐縣之連恆莊居焉祖彥和父禮世載令德俱以公貴贈資善大夫都察院左都御史公少倜儻負氣節而敏于學永樂初充郡賢生篤意時務因上陳數十事朝廷喜之升補太學生日與四方學者講議益大其器識時山東軍需糧賦多所欺隱遣公同中官陳保孫往勘之三年始完其弊一新宣德初授刑部主事遷員外郎發奸捕伏洞決若神凡獄有難辨者從公剖理即得其實雖同事皆服其嚴明正統甲子陞山西按察司副使搜隱剔弊威聲益振天久不雨恐竟有不能白者詔特委公錄所屬重囚得情可矜疑者五十餘人悉奏釋之復上邊務數十事多見採納丙寅四川松潘番人弗靖藩臬臣請出師勦滅朝廷謂苟得人以撫治則兵不煩而番可服乃命廷議可屬任者僉曰公可即日徵詣京師拜都察院右僉都御史越月即至其境申嚴軍法精厲器械修築關堡城池六十四所哨臺三百七十有餘平險峻以使運鑿山竇以引汲軍威既壯乃進攻賊寨擒渠魁送京師斬之番人相視駭伏



以爲神人... 甲盜刀劍三千餘件... 親童男女三十... 七人... 其更... 薦... 幣之... 上命... 軍務... 以行... 初貴... 犯其... 至萬... 都指... 京師... 分出... 遼思... 公還... 懇求... 哀毀... 踰... 朝廷... 起公... 復任... 章三... 上不... 允天... 順改... 元上

唐縣志卷八 人物

八

復位始遂終喪既而... 左都御史... 臣交... 允逆... 既宥... 害公... 有九... 公棺... 年十... 之原... 子太... 且悉... 之以... 金楮... 則閉... 上有... 此宜... 圖不... 終其... 叛而...

宗社而忤賊心者也是以見貴于經傳今莊愍公立朝敢言不避奸惡卒爲所忌而害之是誠義形于色者矣朝廷褒恤而贈諡之豈私厚于公哉爲天下後世之正執法而不阿焉者勸矣

劉秉仁嘉靖中由貢生任江西建昌府檢校時流賊犯境仁匹馬長驅身先士卒羣賊引退後悞失地利戰歿事聞贈太僕寺寺丞廕一子入監

劉名言貢生任深州訓導崇正十五年城陷死之祀忠義祠

胡來臣儒士死崇正壬午之難以上見康熙志

國朝

王恩晉城內西牛市人由縣丞効力廣西軍營咸豐三年帶兵河南陣亡採訪

唐縣志卷八 人物

九

劉東書號薊圃岳嶺村人有至性敦孝友由拔貢教習分發安徽歷署黟縣霍邱懲勸兼施式浮振頽頌聲載道及任宿松興利除害化洽民心修築規林涇江等隄河水漲發宿境得安書院久廢捐廉整頓之戊申己酉大水爲災書泣請大吏緩征加賑清釐戶口榜示災區賑銀到縣集衆官紳啟積不假胥吏分毫民沾實惠復倡捐義穀放粥收棄嬰贖質婦施衣藥棺槨活人無算其他剔浮征置倉穀而毀紅鶴寨淫祠城北漆尼骨尤著卓異保薦赴部引見奉

青阿任以同知用咸豐二年粵匪竄擾書諭紳民修城圍

守適升安慶同知未行賊由武昌東下直竄皖省沿江城郭逼軋成墟宿獨保全八月賊薄城下斬獲數十生擒渠魁十七人置於法四年二月風香驛告警督勇往援父老乞守北鄉砦堡十月十八日援師合進克復太湖忽有賊衆由黃梅竄回直撲太湖統帶官直州牧博檄書帶勇助勦書以太湖宿松地連唇齒自應不分畛域乃與州牧博勒霍布太湖令張寶鎔暨在城官民二十三日遇賊於太湖城內路家巷轉戰數時左肩受傷仍噴血憤擊已而寇深勢迫自知不免時次孫怡從戰書揮之去曰我死職也汝有孀母其速行直入賊隊手斫數十賊而已被矛刺無

唐縣志卷八 人物

十

完膚遂遇害其甥崔南階及家丁張恭胡宣等練勇柳勝等皆從死事

聞奉

旨贈知府銜給雲騎尉世職崇祀昭忠祠宿民立惠民祠

祀之 節劉司馬  
殉難事略

文以道學以興行得之於心措之於世非第文章才  
華號稱富有也唐雖偏邑代有傳人偉節之通禮傳王  
寬之傳家學剛發經術傾動王侯卽或闕修爾室顯晦  
不齊而言可傳行可法一藝之長採錄所不廢乎舊志  
置偉節於隱逸今移之志文學

北齊

馮偉字偉節安喜人身長八尺衣冠甚偉見者敬憚少師  
事李寶鼎嘗以別意試之邴通解尤明禮傳後辭歸不問  
生產不交賓客專精軍器所不通趙郡王出鎮定州三

唐縣志卷八 人物

十一

致書禮迎稱疾不起王將命相佐爽前後星馳以報縣令  
又自爲整冠履不得已而出王下廳事迎之止其拜伏分  
階而上禮之賓館將去王以餅不成就歲餘請還王知  
不能強厚贈遺之惟少時服而已及還終不交人事守令  
歲時致羊酒并餅而衣簞食瓢飲不改其樂以

壽終 北齊書  
儒林傳

金

張邦基由會元官至學士有墨莊集行於世其弟邦彥邦  
傑邦瑞邦琪等各顯官於朝 萬曆志

元

王寬恂子與弟賓並從許衡遊得是歷之傳於家學由保章正歷兵部郎中知蠡州賓由保章副累遷秘書監元史王恂傳

許雲翰由會魁官翰林侍讀著有四書義詩傳行於世

明

劉汝器歲貢生官至慶府王傅好周張程朱之學著有河洲集及鄉彥家訓以上見康熙志

劉乾字仲坤好讀古書為文有秦漢氣議論英發喜談兵事登嘉靖進士官國子監丞改教授著有易菴初集灘上集並纂輯邑乘畿輔舊志參康熙志

唐縣志卷八 人物

十三

王汝霖字肖巖由太學生官靈邱知縣丰資英秀博覽書籍善詩文工字學草書有米董體學士孫承宗愛其才嘗稱之

劉士通聰明穎悟講論不由註解時提學阮鶚集郡邑生講學阮大奇之給幣帛以優榮焉後以貢生官主簿以上見康熙志

國朝

左槃字翼彤由貢生官華亭知縣工詩歌著有穀堂稿前後二集

洪殿宣字贊聖康熙甲子舉人善制義人以黃鄧目之

張挺字君擢貢生性靜簡默博學好古文有奇氣康熙十一年邑令延修縣志與陳瑞共討論焉

陳瑞字潤生效元子舉康熙壬子鄉試授內閣中書掌典籍事卒於官瑞敏悟過人究心經史纂修邑志著有四書寶筏禮記集要兼工詩古文詞有岳麓堂全集祀鄉賢

舊志參雍

正志略

左懋功字圖麟貢生詩格清真楷法道媚

王天全字魚生天才奇橫數奇未遇

以上見雍正志略

劉文彥南放水村人性聰敏博學能文早歲食廩餼教授鄉里成就甚多年四旬領鄉薦邑令延請參訂邑志乾隆

唐縣志卷八

人物

三

元年成進士任曲陽教諭日事經史訓誨不稍倦云

安士魁歲貢學博才贍凡經史傳記諸子百家悉窺其要領尤喜啟迪後進教授鄉里成就多人所作制藝詩詞今人猶取法焉

趙南英歲貢西城子人學問淵深品格端方善者尊服不善者姓名畏南英知鄉俗爲之一化

邱煥章歲貢西城子人湛深經術能文章遊其門者類皆成名以去耄年猶卷不釋手

劉如壘岳嶺村人乾隆甲寅舉人品端學粹爲文有大家風司訓海城誘掖後進講論弗輟受其益者多擢巍科士

風爲之丕振時奉省試場未竣學政以憂去委如壘代校  
拔取皆眞才上憲服其有識歷署河間教授寶抵甯河教  
諭均實心課士焉

賈東旭歲貢西唐梅村人植品正直爲學充實一方碑記  
撰述多出其手著有地齋文稿學者稱爲曉峯先生

楊周書字誥八廩生東雹水村人習舉業邑中立文社羣  
推主之生平爲文有指疵者卽却然服訂知己交有請業  
者津津道之無少隱奇於遇屢薦不售性尤孝友兩弟皆  
庶出周書待之篤嘗言有志未逮者二事勸修邑乘創立  
義學可想其胸次之超焉

以上  
採訪

孝友

古無旌孝友之典其懿著門庭譽流鄉國者每稱道弗  
衰第孝之道大友之心誠里閭中遵定省儀文奉敬恭  
故事豈曰能賢然天性純篤不假強為一節足錄百行  
有基傳云孝弟仁祖又云善善從長悉書之志孝友

明

顧仲禮伏城社人早失怙事母至孝諳陰陽術凡為人擇  
地人置酒食必先留遺母然後入口及母王氏亡結廬墓  
側哀毀踰禮食粥不茹葷者三載洪武二十六年旌祀孝悌祠

○康  
熙志

唐縣志卷八 人物

五

寇林深子深殉國難林扶櫬歸葬連頤村之乾維遂築屋  
墓側凡深之功實有手翰吏錄公卿贈辭者乃裒集著書  
若干卷藏於墓祠免馴廬左數鶴巢松栢世以為異云祀孝悌祠

熙府志

楊端山居家貧其父嗜酒端貨薪城中易米復求美釀一  
瓠荷而歸親有所頤指雖極艱苦無怨色母病思鴿求之  
弗得端登危巖探野鴿祝曰若得鴿母病必瘥果得之歸  
作羹母食而愈居父喪哀毀而卒里人名其墓曰孝子墓

祀孝悌祠

國朝



崔士英字如祁文學長子也隨任歸安文學分闈校士致疾醫藥罔效英私嘗糞知病不起焚香求代及卒扶櫬歸里憂瘁之色闔邑爲之動容

以上見康熙志

陳璠字魯奇效元子好讀古書爲文有奇氣每見前人忠孝大節輒慷慨激昂欲以身效隨任雒川保全孤城識略過人其父解綬歸里備極色養及疾侍奉湯藥無頃刻離父卒搶地呼天淚盡而血溢人或以滅性勸流涕曰此身親身也果得從地下願也寢苦喪次足跡不入內者五年璠治春秋舉明經廷試第二人以父去世遺恨終天遂不仕焉

節陶國奇陳孝子傳參雍正志略

唐縣志卷八 人物

七

陳于王字二陶璠之長子性醇謹好讀書屢試優等爲舉使蔣虎臣特賞母卒水漿不入口者七日伏苦不能起立其父再四勸慰始勉進一粥因母持戒遂終身茹素後中丙子經魁

馬世猷字仲克舉壬午經魁言語動靜有禮居親喪每出入必焚香以告無異生存茹素三年未仕而卒邑人感哀之

胡應隆字瑞徵庠生來臣遺復子也來臣被兵刃後人傳遇害之處應隆必向哭悲號終身如一日節母張氏病篤禱代截髮割血虔設棺衾招父魂合葬廬墓三年終身不

餐葷食

以上見雍正志略

期連南唐梅村人少孤家貧業負販事母甘旨無缺母失明每出門必備用物於其側雖風雨不外寢及卒營壙得銀數錠聞者以為感天之賜

張玉山尚龍村人少失怙家貧為人傭工以養母及卒號泣不止鬱鬱而卒

吳保成中迷城人隨父謀生於山右父故囊資無餘遂負屍乞食而歸既葬以病卒

東連頤村民杜際倒者嘉慶時人性癡孝早失怙家極貧乞食於人必先供母無少違其妻厭而去之潦倒不之留

唐縣志卷八

人物

七

惟日與母相依焉

以上採訪

楊憲東電水村人天性過人數歲即知讀書凡簡編所載懿德芳行寓目不忘然恂恂不輕出諸口其父鍾愛之母病朝夕呼天以求代凡閱數月眠食俱廢病劇又禱於臥虎山無一日間抑鬱旅居嘔血升餘及卒啼泣不已語人曰母病莫救何以爲子遂殉而死

節俞士銓楊孝子傳

萬年才東都亭人十二歲失怙弟甫三齡每自恨不能成立以養母少長奉母家居而已爲人傭操作之暇必歸省視母有不豫即手足不知措每對人言輒潛然淚下勤儉所積置薄田十餘畝後爲弟置室而已以曠夫終

劉慎莊頭村人母早喪事父最孝家貧冬月室無煙火其父欲寢先以身煖衾每夜再三以織布爲業供飲食焉  
劉興宗淑閭村人家貧以孝聞母李氏病侍湯藥左右不離既卒事父益篤先意承志備極孝順興宗將歿二子請身世之要曰毋起爭訟急完國課勤儉持家忠厚待人足矣孫二煜領鄉薦次煜生員

聶儒庠生房莊人寡言語慎取與事親以孝事兄以恭兄欲分爨不從強之家資弗取盡讓之常語人曰爲人當以四知自惕其介然不苟如此一子入泮

劉復燦舉鄉飲耆賓年十四歲喪母事繼母周氏竭力奉

唐縣志卷八 人物

六

養周氏屢鬻田產以濟其家復燦無怨言周責復燦跪門外時雪深尺餘不敢離再事繼母楊氏孝養無異楊氏歿時復燦年已七旬盡哀盡禮聞者嘆服先是復燦五旬時父病焚香祝天求以身代既卒絕粒數日幾死於父所嗜食者終身不嘗焉乾隆五年旌

張文宗雹水村人事母以孝稱年逾六旬左右承歡無異孩提爲人樸實無忤亦無爭日務農業因力田急瘠里中號以老狲云

賈振德字玉齋厚於天性就傅受書不好弄未弱冠補弟子員旋食廩祿兄弟三人母特鍾愛之密以制錢百緡授

振德振德泣曰同胞敢私恩耶母遂均分焉平生廉潔正  
直鄉人見之皆肅然起敬道光元年應鄉試以疫卒於京  
邸

李希恩字述古敦孝友慎言行教子弟以義待鄉人以禮  
踰七旬猶循規矩不少踰

邸一峯字蓬萊事母以孝著母亡飲食未嘗飽牧牛於野  
執鞭含淚不時號泣積憂成疾尋卒

聶長清赤城村人家貧爲人牧羊入山樵薪售之以奉母  
食嘉慶時歲歉炊不繼其妻瘦餒不能事母長清欲出之  
鄉黨長者勸慰乃止不數年母以疾終喪葬盡哀子繼美

唐縣志卷八

人物

十一

亦以孝聞里中美之曰以孝傳家

王擢字廷選東關人拔貢國鄉之父也天性純篤事母盡  
歡嘉慶時母患癱症擢百計延醫罔效卽默禱願以身代  
病少痊艱步履擢負入負出日侍左右無倦偶催芸東野  
忽大雨急歸至趙母鄉廟山水盈澗不得渡中夜灘側泔  
泔然思母泣下其孝思之誠類如此

李懷芳房莊人早失怙家貧織布易食以奉母菽水承歡  
晏如也年五十而卒

聶興房莊人少孤事母能得歡心弟幼先意撫恤無倦意  
家門和順鄉里慕之

韓夢秦東顯口村人友愛兄弟有姜被風尤敬惜字紙每日負囊拾之嘗焚香齋心有非笑者答曰愚非邀福也焚香心靜或稍去邪思耳子連璧入邑庠

韓三友字益者監生東顯口村人性篤孝友輕財好義事繼母深得歡心迨歿喪葬盡禮弟性迂拙待之以和厚有門姓者稱貸制錢千緡憂難償成疾三友攜券以往對面焚之其人頓起叩拜越日病愈子用章入成均孫樹棠遊泮人以為善行之報

李玉潤淑閭村人性孝友忠厚善事父母和睦兄弟精岐黃術貧寒者贈藥餌不取值里中咸敬服

唐縣志卷八

人物

三

于清元文童鈞魚台人性孝友出鄉就傅弟誤傷人聞之急歸知弟為父所鍾愛遂自任罪被繫縲者數年流配日其妻餞之孕而生子後遇赦旋里猶讀書課徒若固然焉

以上  
採訪

義行

約結聲名感激意氣古俠者流耳曷為乎義之曰奮身獨任不少遲回以視逡巡卻顧相去不知凡幾矣唐邑為燕趙接壤地多慷慨士其濟難期急盡傾已囊者屢見之而毫無妄取困餓以終者耿介亦足嘉哉愧吝嗇懲貪慚則義行烏得而不志

金

郭興孫慷慨好善尤多義舉同志者左松壽為之協力相助各捐私鏹百萬倡修學宮廣增舊制併繪四配真像躬督其役六閱月落成之青紫相襲永光閭里二君之力也

唐縣志卷八

人物

三

俱祀忠義祠○參譚鐸修學廟碑

明

劉慧龍庠生其族人為富翁凌逼而死者眾族人挾為奇貨爭索銀穀而龍獨一無所受焉邑人義之知縣楊一桂匾之曰風愧俗流祀忠義祠○康熙志王佐在城人捐金修城隍廟功未竣辭世子珂詣陰陽術慨然任其事卒成之

王柱號鳳泉歲貢生慷慨有雅量教授生徒貧而有志者給衣食教之讀里中饑不能炊者傾囊助之其他施捨不少吝云

國朝

解聯魁字占元東唐梅村人爲人仁厚慨慷尤樂濟人鄉東無路出入卽以已產闢一道路寬一丈餘長三十七丈鄉人感其德豎碑道側以誌美

李輝裔字裕昆南唐梅村人立品正直有斷才唐梅以北屬唐邑者數十村中有爭端輝裔爲解釋之咸悅服以去康熙時知縣蘇訪聞而善之舉鄉飲

賈之才西唐梅南村人生平好義每冬架板橋於唐河涉者不病名之曰善人橋

王廷俊尚龍村人富資財樂濟急乾隆五十八年饑以穀

唐縣志卷八 人物

給鄉里全活甚衆後疫氣時行獨王氏一門無恙聞者以爲善行之報

苑裕字子寬橫河口人性柔慈好勤儉嘉慶初歲歉施粥以濟人來春又以籽糧散種鄉里子孫皆擢武科

馬遵北伏城人輕財好施建修趙家莊石橋往來德之

杜傑東高昌村人乾隆時歲歉捐米六十石設粥廠於本村蓮香菴全活無算邑令劉表其門曰利濟居心

胡承業西大洋村人家貧耿介自守恆終日不能一食未嘗累戚友苦力耕作越數載漸臻富饒乾隆間歲饑成業出穀周急無少吝邑令郭啟泰匾曰樂善可風

劉陽城監生慷慨好義冬日置板橋於唐河以便往來陽城毀孫會相繼爲之不衰行人名其橋曰便風橋

劉善莊頭村人濟貧周急樂善不倦鄉人爲立善人坊

王逢年字鳴盛嘉慶時庠生授教鄉里不計束脩饗殮不給者補以粟應試乏資者助以金壽八十三無疾而終

柴維梓字恭敬性直好義一生愛惜字紙每遇污穢必以糞湯洗濯乾而後焚嘗書上等人省己之過終不覺人之

非下等人察人之非究不知己之過二語於座右

以上採訪

張澄字清源行營溝人性情豁達好善樂施乾隆初恆山左麓關聖廟圯澄獨修之鄉里貧乏者咸賙恤不少吝子

唐縣志卷八 人物

三

幹臣篤孝友能文章工楷法早歲通經名聞一邑後因理家事遂輒棄焉平生律已以儉待人以厚溉田樹棗謀治生業雖蓄積殷實而未嘗驕慢孫登高敦任恤安勤儉克

承先志鄉里稱爲積善之家云

節陳九成張幹臣墓志

徐士達監生中山陽村人忠厚廉潔輕資財里中有節婦貧苦者周恤以終其節子濬庠生又立義塾里中貧不能讀者召來之成就人材甚多壽七十八歲

崔祿字受楮家殷實鄉里困乏者樂推解衣食之每至殘臘散濟貧苦不以升斗計爲人謙厚和平終其身無爭訟里中稱之曰崔善人



孫文高赤城村人慷慨好義村外盤道嶺窟窟岸寂寥溝  
路皆崎嶇三處共計十餘里文高傾囊修理往來稱便又  
置板橋於唐河涉者德之

聶馨德監生文高胞姓也好義知文高嘉慶二十二年饑  
出粟以濟上下兩莊有不能婚嫁喪葬者咸助之人感其  
德當農忙時爭代爲耕耨子二俱武庠

邵際羲天性和厚不與人爭鄉里稱其德乾隆八年邑令  
劉表其門曰德重鄉評

吳振宗足里人道光十六年歲歉捐穀數十石以周貧民  
邑令張賜誼敦周恤匾額

唐縣志卷八

人物

三

王澤世字潤生郡增生性聰敏爲人排難解紛不辭况瘁  
城東村莊爭訟遂鮮

劉睿監生東沿村人性慷慨篤鄉誼有喪葬婚嫁者竭力  
助之道光二年大饑出粟以濟人每遇青黃不接時卽施  
粥以救貧乏如是者十餘年後家業零落猶時時以利人  
利物爲懷云

劉丙午監生岳嶺村人性磊落好義道光三年大水歲歉  
慨然出粟煮粥以濟鄉人稱頌不衰

劉延壽監生丙午胞姪性忠厚多善行咸豐八年蝗爲災  
施粥每日二次全活無算貧乏者均感戴焉

葛莊有白生者家極貧而性介不求於人歲歉絕食恆繫釜而歌人見其憊與之食生瞿然曰願無見憐越數日端坐而逝

安大創留九莊人道光初歲歉人皆謀食去大創株守敝廬絕粒數日聞者急食之終不食而死

即嘉瑩雋水村人家極貧失耦有二子居本村廟中秋熟時意幼者竊田禾恆以繩羈之不使出其長子爲人傭丁以力值來付瑩恐得有不義堅卻之以乞食終以上採訪

隱逸

唐之西北皆山深谷幽巖多隱君子雖然人逸世歟地  
逸人歟古稱大隱朝市小隱山林苦喧甘寂各得其性  
之近者乎因續舊志所志志隱逸

唐

張濟字孟成少好學以文雅稱隱居青巖山十餘年遠近  
服其仁環山不敢樵漁採訪使苗晉卿表諸府五辟召十  
至堅臥不起康熙府志

明

劉汝教號育山樵子幼而機穎有辯鋒閩奇闢神百十皆

唐縣志卷八 人物

三

瘖長乃靜晦藏英動有愚色於世熒然而獨苦心於文自  
謂擔撫兩漢欽劖先秦以成吾之磊落而後已不投時好  
七試七黜曰非文之厄實運之塞也晚嗜莊騷日理詩酒  
以自娛所著有育樵吟康熙志參  
畿輔舊志

國朝

楊文衡邑庠生管家佗人幼負文名工書法通樂律兼精  
陰陽五行術人以才子呼之平生清心寡慾不染俗塵因  
自號曰在家僧後居山中獨處養性足迹別巒市者數十  
年嘗自吟云愛我山村遠市囂好將無事養清高草花搗  
砌紅三面茅竹綠牆綠一遭不讀舊書宗往哲每裁新句

悅詩毫人情到處皆輸眼但願長添酒興豪一日備香湯  
沐浴入靜室中端坐而逝採訪

唐縣志卷八 人物

